

任事嗣孫 序

嘗思譜為一族重大之書昔之人既創於前今之人宜續其後不然則所謂莫為之前雖美弗新莫為之後雖盛弗傳者也我族自始祖丙公遷湘以來閱歷數百年相傳二十餘派支流愈分而愈遠卜居愈散而愈離倘無譜則世係憑何稽親疏憑何辨勢必至骨肉相聯而秦越視之矣

故道光年人蔚舉賢訓益立卓益元諸公起而倡脩譜之議時族間各支均以功浩費繁為辭即第將盟表兩房匯葺成帙是吾族之有譜人蔚諸公之力也迄今開卷讀之想見當日朝稽夕考搜尋徧及何艱難辛苦之不少辭也儻所謂仁孝之固結於心者非耶

同治年予等先父輩思踵前人之步武而續修小引既叢適軍務倥傯有志未逮耳今歷年又久律以閱世當修之例誠數過而時可矣

光緒壬辰春族眾繆舉予等竟前人未逮之志予等愧剪劣恐難勝任乃固辭不獲命冬祭後遂入祠設局興工葺修一時祖宗護佑族眾踴躍歲方周而譜成欷歔休哉

吾族之昌熾可於今日卜之矣

時

光緒十九年歲次癸巳季冬月上浣穀旦

盟表任事嗣孫等

公譔